## 開放文學 - 神鬼仙俠 - 繡雲閣 第六十五回 破蓮田道友團聚 誅蝦族龍女爭光

群妖之中,惟有七位妖王,各執軍器與七虎戰在一團。七虎法力甚高,兼有棄海、鳳春、紫花娘、翠華、翠蓋以及樂道陣外攻入,一時狂風震動,雷電交臨。七妖不能支持,各乘黑風逃走。七虎分路追殺,竟追至千里之外,始收兵而回。樂道入洞,大設筵席,一則勞賞諸妖,一則為棄海等洗塵。杯酒間,樂道與棄海談及相別情況,言隨淚下,咽喉哽哽,不能盡吐其詞。停聲久之,棄海離席而言曰:「並承道弟興兵解釋兄圍,兄固叨沾不盡。但蓮田欺吾東海,蛟騰、鱉甲尚對待交攻,還祈弟臺借此妖兵,以破逆賊,則吾東海感戴多多。」樂道曰:「兄之所祈,弟非不允,尚須問諸妖部,願去者去,不願去者任之。」棄海曰:「總要出彼情願耳。」樂道曰:「這是自然。」言訖,出席向群妖曰:「今日之戰,多勞勇往。七虎將軍法力頗高,七妖長皆為所伏,此圍已解。尚有蓮田大將與東海龍兵對敵,龍宮太子棄海欲請將軍等前去幫助,以破蓮田,不知七虎將軍意念何若?」七虎未及回言,棄海走上前來,笑謂樂道曰:「弟適思及蓮田不比七妖。恐七虎將軍去被所害,吾心不忍,故來止之。」七虎怒曰:「不怕蓮田三頭六臂,吾輩願去,竭力同擒。」棄海曰:「如將軍不畏,宴罷後即便起程。」七虎唯唯,未幾宴罷,棄海與樂道命七虎為前隊,鳳春四女為後隊,緩緩向落雁江而投。 且說蓮田見七妖將棄海追逐,不知所往,於是大起蝦族及本部兵將,力戰蛟騰。鱉甲先鋒抵敵不住,傷卻左臂,負痛回營。營外蓮田叫殺不已,蛟騰獨自與蓮田戰於江岸。蓮田連勝數陣,蛟騰知力不敵,且戰且退。退回營內,修下請兵表文,遭得本部中郎將蛟魁,捧此表章,急歸東海。又囑營中諸將,謹嚴死守,任蓮田百般辱詈,免戰高懸。蓮田叫罵半日,未見交兵,回營笑曰:「蛟騰素稱猛勇,今觀於此,其所恃者棄海也。棄海殺法雖高,已被群妖攻敵,一木難支大廈,彼又烏能勝乎?」老蝦曰:「棄海自群妖追去,已近千日,未卜存亡。

不趁此時攻殺蛟騰,掃平東海兵卒,倘彼修表,奏請添兵益將,又費一番撻伐之勞矣。」蓮田依計,概將營兵點出,秘語乘夜攻打蛟蚌營寨。

果至三更,蓮兵暗暗出營,剛到蛟騰營外,海角齊吹,蓮兵耀武揚威,即將二營四面圍定,聲聲叫殺,震動落雁江頭。

蛟騰傳令:「不准出戰。只宜慎守。」蓮田攻打一夜,未能攻破,次日又督兵攻之。蛟騰號令嚴明,營寨未失,然心中著急,惟望東海發兵解圍。蓮田見攻營日久,不能得破,私謂老蝦曰:「吾兵力將疲矣。倘彼突然殺出,豈不畫虎未成反類狗哉?」老蝦曰:「將軍又出何策?」蓮田曰:「吾欲歸營,養就銳氣,再與之戰耳。」老蝦曰:「不可。爾兵一退,敵人知爾兵力已疲,乘勢攻之,必然敗績。不若就彼營外,以為營壘。如東海不知蛟騰力竭,按兵不發,乘機可以攻破東海。如知發兵前來,吾兵退歸本營,留半以截東海之兵,使彼兩相懸絕,然後乘夜兩下攻擊,或可勝焉。」蓮田欣然,就對蛟營以為營寨。

未逾三日,東海遣得龍女領兵十萬,浩浩蕩蕩,向落雁江而來。甫到江尾,遙見營寨一座,密布旌旗。蛟魁暗思:「吾回東海時,此處無有營寨,是地也,胡自來哉?」忙稟龍女,遣兵問及。老蝦答曰:「此營非他,乃瑞光分屯,以接海兵耳。」其人問曰:「蛟騰近日勝敗如何?」老蝦曰:「累戰累敗,故命瑞光分紮此營,以為歸路。」龍女聞詳,也不猜疑,遂與蛟魁引兵直來營外。老蝦統領本部,迎接入營。蛟魁耳語龍女曰:「吾觀此營,似非蝦家兵將,恐是賊人偽稱者,不可不防。」老蝦見事已敗露,當即興兵相殺。龍女大敗,退至十里,始將行營紮著。老蝦兵卒,亦對面相持。蛟騰是時聞得喊殺聲,心知海兵已到,急急點兵出接,又被蓮田截殺。戰敗歸營,蓮田之兵仍將蛟營圍定,難探消息。

正值計無所出,恰遇樂道、棄海與同七虎及小妖數百來至落雁江上。棄海見蓮田營寨已撤舊處,乘風高望,見彼圍著蛟營,江尾海兵又被老蝦截住來路,彼此懸絕,密不通風,忙忙按下風車,商於樂道。樂道曰:「吾欲入蛟騰營內,識我無人。

道兄可到各營通以消息,四面截殺,必敗蓮兵無疑。」棄海遂乘海雲,到各營中,約定次日辰刻,兵進四面。——知會,然後回營,與樂道言之。樂道是夜將妖兵分作三路,以一路攻老蝦之後,二路解蛟騰之圍。辰刻將臨,分派已定,七虎各率本部,三路而去。樂道謂棄海曰:「妖兵此行,出其不意,蓮兵必敗。敗必歸到舊所,吾與爾隱於此地擒之。」棄海然其言,遂隱岸左。妖兵三路齊上,分二支於蓮兵營外,叫殺連天。蛟騰聞之,內外夾攻,大勝蓮兵。蝦兵亦為群妖在後攻打,兼之東海兵將前面掩殺,全師皆覆。蓮田敗後,率領部下十餘人,過得江來,氣猶未定,復被樂道、棄海連環接戰,早已就擒。

老蝦勢孤,忙統蝦子蝦孫沿江而遁。樂道、棄海擒得蓮田,緩緩渡江,與蛟騰、龍女聚會。棄海曰:「賢妹此來,已獲全勝,可將蓮田逆賊押回東海,請旨施行。為兄又要入山修道去矣。」龍女曰:「老蝦欺吾太甚。今被脫逃,吾必馳追,以擒此老魅。」 棄海曰:「如是,先命蛟騰押回蓮田,復父王旨,瑞光與賢妹追逐老蝦。」龍女遂點東海水兵,令瑞光為前部。瑞光得命,領蚌兵五千,向老蝦敗路追之。龍女撤卻行營,隨後而去。

樂道曰:「棄海道兄今在何處修煉?」棄海曰:「吾在黃沙岸老鱉洞內,道弟、道妹並七虎將軍,可至其間稍停一二朝,再歸未晚。」樂道曰:「今已至茲,道兄貴洞非遙,理應一盼。」即同七虎四女,妖風駕動,竟落黃沙岸前。棄海導入洞中,大設筵席,以賞七虎及眾妖之勞。宴罷,七虎統領妖屬,乘風而歸。樂道曰:「吾等自碧玉分散後,音信未聞。茲忽團聚於斯,其緣真天假也。」棄海曰:「今得面晤道弟,已出意外;又遇諸道妹,得知三服所居洞府,可以朝發夕至。看看吾輦,將有昔日同行同坐之樂矣。但師尊三緘不知其處,待道弟兄等一日團聚,須分數路尋之。」樂道曰:「兄言正合吾意。」住了數日,樂道辭行。棄海牽衣苦留不捨,樂道顧謂二翠與鳳春、紫花娘曰:「道兄、道弟,聚會殊難。今承棄海兄苦留若此,吾欲再住幾日,然後歸去,爾等以為何如?」四女曰:「吾姊妹亦願相隨耳。」棄海曰:「如是吾心甚喜。」又呼設宴,六人同飲,不必細言。

且看龍女領得海兵,追逐老蝦於環曲江下。老蝦曰:「小小女孩露面拋頭,不捨蝦老子者何也?得毋春心已動,欲得蝦老子而作婿耶?」龍女聞之,腮上添紅,指著老蝦大罵曰:「東海有何虧爾,爾作叛逆之臣?爾姑娘特領龍君命前來誅爾,以警水族之不臣者!」罵猶未已,老蝦曰:「東海地面,乃水族公共,非爾父所獨得者。況蓮田仁待水族,魚蝦蟹鱉,莫不沾恩。

以理論之,東海應歸於彼。爾何得恃海兵之眾,縱橫水國?吾不爾懼,爾宜速斂花容,免為水族羞。倘如執拗不依吾語,吾領 蝦族力戰於綠波碧浪,將爾擒來,與吾為一壓洞夫人,那時悔之已晚!」龍女聞言大怒,手執鎮海金槍直刺老蝦。老蝦力不能支, 敗下陣去。龍女乘勢驅兵掩殺。老蝦無路可遁,將營扎住,緊守弗出。龍女、瑞光兩面夾攻,相持半月有餘,奈蝦營甚堅,難以攻 入。

老蝦暗計:「龍女殺伐厲害,兼有瑞光相助,朝夕攻打,恐將蝦營一破,吾族無遺類矣,意欲歸降。」又思:「龍女、瑞光均係女流,豈不貽羞於水國?」正在進退無路,適有毒龍、赤鯉在七竅衙內悶倦不堪,暗自乘風雲遊天外,遙見兩營相持,不覺殺機已動。於是風車按下,在蝦營前後觀望徘徊。恰值老蝦退敵無由,出營遣悶,見二道士面帶殺機,因問之曰:「道長奚自?」赤鯉曰:「雲遊耳。」老蝦曰:「道長雲遊,宜向他往。是處乃殺人之地,不可久居。」赤鯉曰:「此二營壘,何人所紮?」老蝦曰:「此營係吾蝦族,對面乃東海龍女也。」赤鯉曰:「龍女殺伐何若!」老蝦曰:「龍女雖係玉貌花容,殺伐勝於戰場名將,衝鋒對敵,勇不可當。」赤鯉曰:「誠如爾言,是必有道法者。」老蝦曰:「前日吾擒一海兵,細細勘問,彼云:『龍女乃三緘仙宮弟子,道法高妙,豈爾蝦氏兵將所能抵敵?』道長言有道法,果不誣也。」赤鯉聞是三緘弟子,乃向老蝦言曰:「吾二人前來助爾一陣,以視龍女道法,如何?」老蝦曰:「如得道長相助,吾之幸也。」即請入營,設筵款待。

次日,瑞光奉龍女命,來在蝦營外大聲叫戰。老蝦聞報,商於赤鯉。赤鯉曰:「待吾先出,以戰海兵。」老蝦展開營門,赤鯉 手執雙錘,與瑞光戰。瑞光連敗數陣。龍女持槍衝出,槍頭運動,如驟雨飄風。赤鯉雙錘只有招架之力,豈能傷及龍女?

毒龍見赤鯉戰龍女不下,急舉鐵牙板上前接戰。瑞光見蝦營內又出一將,亦提槍出陣,接著赤鯉。龍女接著毒龍,彼此酣戰不

休。久之,赤鯉、毒龍見龍女、瑞光鋒利難近,吹起黑氣以卷之。龍女忙駕海雲,與瑞光騰在空際,雷聲震動,電影如蛇。

赤鯉、毒龍雙雙敗下,瑞光、龍女隨後追逐,直追至數十里之遙。赤鯉、毒龍無路可逃,瞥見半天祥雲一朵,停而不動,翹首諦視,靈宅真人也。忙忙跪下,訴說來由。靈宅子曰:「爾二人暫隱雲腳,待彼追至,吾自有以退之。」移時,龍女、瑞光已到。靈宅子揮之以麈,海雲斜斜墜地,不能復起。二女無奈,退回營中。

靈宅子見龍女敗去,遂呼毒龍而言曰:「爾身乃陰魂凝結,怎敵陽精?吾賜爾一天地赤巾,如遇敵人追至,將巾開展,彼必不知路徑,團團轉轉,難出巾外。若游在北方之極,定被北道將軍所誅矣。」毒龍、赤鯉辭了靈宅,持巾歸營。老蝦擺設厚筵,酬其勞苦。宴後,又復搦戰於龍女營外。瑞光、龍女兩兩對敵,戰約百餘合,毒龍、赤鯉仍然敗下,二女追逐如前。

毒龍不慌不忙,暗暗展開赤巾,一時天地化為赤色一塊,望之無有涯誒。龍女、瑞光迷於其中,不知東西南北,足在巾內轉折二日,無可如何。忽然北方現出二條坦道,二女喜曰:「有是路徑,可由此前進焉。」走了半日途程,足力甚疲,暫息道旁,已歷 北極不遠矣。

紫霞默會得知,忙駕祥光而來,化一黑袍大將,立於北極。

二女剛到,大將吼曰:「何方女子,敢來此地!」瑞光、龍女細訴前言。大將曰:「爾言不知路徑,吾賜爾天地赤鏡,照之自然迷途化為烏有。」二女拜謝,持鏡在手,四方照去,赤巾渺然。舉目視之,赤鯉、毒龍尚在對面而立。二女金槍舉處,毒龍、赤鯉各得一傷,抱痛乘風偷回衙內。瑞光、龍女歸得營寨。

歇息一日。次早興兵來破蝦營。攻打一畫一宵,依然牢不可破。

龍女曰:「試持鏡照之,看又若何?」瑞光諾,舉鏡一照,蝦兵各各昏潰,人事不知。二女乘機攻入,金槍亂刺,蝦兵死者無數。殺入中營,見老蝦臥於地下。龍女恨甚,命蚌兵緊緊束之。瑞光收回赤鏡,老蝦蘇轉,方知被擒。龍女曰:「蝦兵已平,老蝦已得,可速奏凱,回吾東海,以俟吾父旨意定奪。」瑞光得令,即將老蝦押著,向東海故國而回。